

te tumu : te vai ra tana apooraa amui, te Vaticana.

Te oikumene i Polinesia nei ?

Aita tele parau i maramarama maiti i roto i te nunaa. Ia parauhia te tahoê raa, eita te pae rahi no te nunaa e hinaaro. Tahoêraa no te Katolika e te Porotetani ta'u e parau nei. Are'a no te tahi atu mau faaroo, e parau fifi roatu ia. Te tumu, no te mea ia aita tatou iho te Ekalesia Evanelia e ite nei ia ratou ei Ekalesia mau, aita'to'a ratou, aita ratou e ite nei ia tatou ei Ekalesia mau ?

Tahoê tatou, eita anei ? E mai te peu e tahoê, ei hea tatou e tahoe ai ? te uiraa râ ia e vai noa nei â i mua ia tatou.

NOTES

Mercredi 15 Août : JOURNEE PAPEIHA sur le terrain paroissial de Papara. Au programme : exposé des buts de l'association, manifestations culturelles et folkloriques, groupes de reflexion et de conscientisation. Un tamaraa est prévu à midi. S'inscrire au foyer de Paofai.

13-31 Août : SEMINAIRE SUR LA FAMILLE (animé par M. et Mme O. Prinz) 4e séminaire d'un cycle de cinq ans patronné par le département "Relations entre hommes et femmes dans l'Eglise et la Société" du Conseil Oecuménique des Eglises. Le thème de cette année est : "Les conflits conjugaux".

1er Septembre : Dixième anniversaire de l'Atonomie de l'Eglise Evangélique (1er septembre 1963).

ARRIVEES

De nouveaux collaborateurs viennent prendre la relève de ceux qui nous ont quitté cette année. Au moment où le VEA POROTETANI est mis sous presse la date exacte de leur arrivée n'était pas encore certaine. Nous avons tenu cependant à publier les noms de ces amis M. OLIVIER RICHAUD, vient prendre la direction du collège POMARE IV.

M. et Mme ROLAND JOTTER, prendront la responsabilité de l'internat de Taravao.

M. et Mme JEAN-MICHEL ROUET, viennent comme enseignants à POMARE IV.

M. DANIEL MAUER sera responsable de l'administration de l'Enseignement Protestant.

M. et Mme HENRI VERNIER, rentrent eux de congé en métropole. Leur arrivée est prévue 9 septembre à 5 Heures du matin.

te au ore

"Haapao noa oe ia oe e ta oe, haapa'o noa vau ia'u e ta'u.

Ua pinepine tatou i te faaroo i teie huru tai raa reo i roto i to tatou oraraa. E puroro mai mai oia mai roto mai i te hoê utuafare, i rotopu i te mau tamarai ratou ratou iho, i rotopu i te mau opu fetii te tahi i te tahi, i rotopu i e toopiti utuafare tapiri, i rotopu i e taata toopiti, te vai aturâ, e tae noa'tu i te feia metua iho tei taatihia ei hoê.



Ore noa'tu tatou e ite papu i te mau tumu no teie fifi, te mea râ o tatou e ite nei, ia haro'a tatou i teie parau, te tupu nei e te faatia-hia nei te hoê patu faataaêraa i rotopu i te taata. No reira, ia hio rapae noa tatou i te mau vahi nohoroa te mau vahi ohiparaa oia hoi te mau vahi farerei raa no te taata, e riro tatou i te muhu e ua faataamau nia te taata no te ora amui, no te ora tahoê. Te farerei ra, te aroha'tura, te aparau ra, te ata ra, te himene ra, te upa ra, te oto amui ra, te ohipa amui ra, te aro amui ra e te vai aturâ te mau tapa'o rau i mua i to tatou mata o te faatupu i roto i to tatou aau te hiaa'i te hoê tahoê raa mau i rotopu i te mau taata'to'a ia hau e ia oaoa tatou i to tatou oraraa.- "O te taata ihoa te mea maitai aè, eita te mou'a e hio mai i te taata".

E hiaa'i raa mau, e hiaa'i raa tita, no te mea e hiaa'i raa no te hau e no te farereiraa, teie râ e hiaa'i raa maha ore no te feia'toa e titau ra i te tahoê raa e maitai ai e ruperupe ai te mau hinaaro ato'a o te taata nei. E mea rave atâ e temaraa ore ia feruri i te mau rave'ano te vavahi i te mau mea tei faataaê noa ia tatou tatou iho. Na ô a' era tatou e "Aita e rave'a, mai tera ihoa te taata, e ino ana'e to roto iana, aore maitai". Te haavare, te nounou, te popore, te titau e te haru ei nia'e te tahi i te tahi.

Te umeume noa ra ia upootia te tahi i ni'a i te tahi, ia tiahia vau i ni'a ia mea, no te roo, no te io'a, no te tura, e te hanahana o to'u tioraa i mua i te aro o te tahi pae. To

tatou aau hiaa'i i te oaoaraa e te hau, ua riro ia i taua taime ra ei aau ofai.

Faataata-paari ia aurarohia e ia faaturahia, e aro ia ore ia riro te faufaa tei reira te haamauraahia to tatou maitai. Faaetaeta ia ore ia aueue te mau pou no to tatou aua i te matai rahi u'ana no te au ore. E no te mea e hiaa'i raa maha ore, e rave rahi te hi'a, eiaha e hi'a i raro, e hi'a râ i ni'a ; oia hoi te haapaariraa i te hoê vahi nahonaho ia roaa hia "te hoê tiaraa teitei" na ni'a mai ia hi'o i te taata. Oia hoi "haapaari i te hoê vahi nahonaho aua maitai-hia'i te mau rave'a rau ei paruru e ei turui raa i te anotau vero ra. Ia vai ineine noa no te arai ia tatou i te mau mea i rapae.

To roto'tu nei o vau ia, to rapae mai o mea mâ lâ, aita vau i ite ia ratou, Faataa'tura tatou e piti tu-haa taa maitai i roto i to tatou oraraa. To rapae, e to roto.

"Haapa'o noa vau i ta'u, haapa'o noatu oe i ta oe". Teie te patu, teie te otia, te taa mai i onei ra na' u ia, te taa'tu i ûna ra na oe ia. Te tahi râ fifi e itehia nei i nia i te otia, te vai ra te hoê mau haari o'fa, ei onei te opaa e topa'i are'a te tumu ei ô mai ia tupu ai. Erâ te pe'ape'a ! Na' u te tumu e na oe ia te maa ?

Na vai te hape ! Na te haari anei, mai te mea ra e e ta otia raa ta te otia ia'na iho ? No na taata nei anei, mai te mea ra e ua faaue te hoê i te haari, eiaha oe e tupu afaoro e tupu ofa râ ? Ei faahauraa i teie pe'ape'a hoê noa iho rave'a, e faaore i te hoê i rotopu i na tia e piti nei mai te peu e eita e faaore i te taata, te haari e te otia. E tupu te maere, eiaha râ e maere, e tupu râ mai te peu noa'tu e faaore hia te otia aore ia te patu, e vaiho i te haari. E semeio lâ. Inaha, ia vaihohia te haari e ore lâ te otia ; Eaha tura lâ te hoê tapa'o faataaraa i rotopu ia taua e teie au e tena oe ? Na te aha'tura lâ e faataa ê ia taua ? Eaha'tura lâ te hoê tapa'o faaite e tei nia'e aore lâ tei raro a'e au ia oe ? Tapu râ i te haari ! o te tanoraa mau lâ. Oia mau, aita lâ e haapeapearaa faahou, ei hau i rotopu ia taua. Ia na reira, aita a oe e opaa, aita toa a'u e tumu opaa. Hoê â taua



ere raa, mea maita ae rā lā, au hau, . Taua'toa i te ere raa i te tumu haari eiaha roa'tu rā taua ia ere i te otia ! Teie hoi te auraa, eiaha roa'tu taua ia farerei i te vahī hoē ; ia vai taa ē noa rā.

E tapū e e faaore i te mea o te taati ia taua te tahi i te tahi, e tinai i te mea e farerei ai e e tahoē ai taua. O oe i to oe pae, O vau i to'u pae ei parautia e ei hau ta taua. Teie lā te auraa, te parautia e te hau i roto i te faataaē raa !

E ia tuatapapa maitai hia ra, te tumu rahi e taaē noa'i te tahi i te tahi, no te Parautia lā e te Hau i na reira'i ! Te parautia e te hau ? Teihea te parau mau, teie lā, aita e hape i rotopu i na tia tootoru nei, aore te haari, aore te otia, aore na taata toopiti, i ta ratou iho hioraa. Te parau mau no te parautia i tupu ai te hau, eaha'tu ā ta tatou e titau ua topa te hau.

E hoho'a noa teie ta tatou i rave mai ei faaauraa no te faahi'o ia tatou i ni'a i te mau fifi e tupu nei i roto i to tatou oraraa no te mau mahana 'toa. Teie rā, ua riro ato 'a oia ei uiraa ia tatou te feia Keretetano i to tatou ti'araa i te mau mahana'toa.

Eita tatou e maheaitu. Ua ite tatou paato'a i Polinesia nei ua rau te haapa'ora Keretetano, taaē noatu ai te rahiraa no te mau haaporaa i te mau fenua ēē. Ia tuatapapa tatou i te Parau mau, te Parautia e te Hau a te mau Ekalesia tatai tahi, aita hoē hape. Te reira Ekalesia e tana parau mau, tana parautia e tona hau, te na reira'tura e te na reira'tura. Area rā ia tuuhia ratou te tahi i mua i te tahi, no te hoē imiraa i te rave'a e riro ai "te tino" o Iesu ei tino hoē, e itehia i reira e rave rahi Iesu, e rave rahi Atua, e rave rahi parau na te Atua, ia tia mai e aro te tahi i te tahi. Mau mai tena i tana satauro no te tairi e ia fati ta te tahi satauro. Tia mai te reira orometua e tona faaroo no te aro atu i te tahi orometua e tona faaroo. I roto i te mau parau tuatapaparaa no te oraraa o te haapaoraa Keretetano, ia haapotohia ra, e parau ia no to te Atua aroraa ia 'na iho. E 2000 matahiti i teie nei i mahemo to Iesu aro noa ra ia 'na iho no te faahau raa i te feia tei tiaturi ia'na ei Fatu no ratou. Aita e taata mai te mau Keretetano te huru i te aau etaeta e te paari, te taria turi e te hae no te paruru e no te tiai ia ore to ratou fatu ia rohia e te ati. Ahiri ratou tei te anoutau no Iesu e ore roa'tu paha to ratou Fatu e faasataurohia mai ta te mau pipi ra, ua horo ē e ua faarue mai ia Iesu, e tae roatu ia Petero, ua imi i te haavare ia ore oia ia a-

piti ato'ahia'tu i te hamani inoraa e rave hia ra i to'na Fatu. I opua na hoi te hoē o ratou e unuhi i ta'na oē no te taparahi atu i tei haru mai ia Iesu ra.

Ua na'ō atura rā te Fatu no te Evenelia " O tei rave hoi i te o'e ra e pohe ia i te oē ! No teie tau, e ti'a 'toa ia parahia e " O tei rave ia Iesu ra e pohe lā ia Iesu ? "

A ti'a noa'tu lā, e aita te mau Ekalesia e afaro ra ratou ratou iho, hoē ā Atua, hoē ā Fatu, ta ratou e haamori ra. Ei mua lā i te tereno tatou fā paato'a 'tu ai ia tae i temahana haavāraa !

Ta tatou rā huaai, aore a ratou e hape, i fanau hia mai ratou i roto i te hoē haapa'o raa.

Haapiihia i te haapiiraa a te reira haapa'oraa, haapiihia i te feruri mai ta te reira haapa'oraa, haama-tauhia i te oraraa no te reira haapa'oraa aita a ratou e rave'a ua f roa i te varua o te reira haapa'oraa mai te i'o rouru e raro i te avae. E ia ani noa mai te hoē aiu ma tana reo iti haihai e te huna ore : "E vau lā e porotetani ato'a vau? "

- E no te aha lā e porotetani ato'a vau, eaha tera mea". Eaha te pahonora : "a ani i to oe papa ! ". Afea tatou e faarii ai e iriti i te papaa e paruru noa ra i to tatou mata, no te feruri i teie parau ; te taaēraa i rotopū i te tiaraa Keretetano e te tiaraa haapa'oraa.

E vaiho tatou i teie uiraa i ō nei, no te mea e ere te reira ta te mana'o e titau nei. Teie rā hoi e, te tapa'o i tuuhia i nia ia tatou mai te tamariiraa mai ā ua riro ato'a ia ei tapa'o faataaē raa i rotopu i te taata nei, i tapaohia'i tera e porotetani teie e Katolita, tera'e e Sanito... T.V. A. E aore i aramoina hia ia outou te mau pe'ape'a e hotu mai i roto i to tatou oraraa no teie mautitiro i ni'a i to tatou rae.

E au mau atura tatou i te huru no Kaina tei tapa'o hia te rae ei faaite i tana utu'a e ei paruru ia'na. O tatou ato'a anei lā, titirohia tatou i te tapa'o no te reira haapa'oraa ei faaite i ta tatou hara e ei paruru ia tatou i te ati ? Te hara no te taaēraa te tahi e te tahi, te paruru no te i'oa o ta tatou haapa'o raa ?

Faaauraa teimaha e te rave atā ia tatarā o te faatupu i te riri e te inoino i roto i to tatou aau. E riro paha outou i te parau e, e faainaina Ekalesia. E ere, e parau faara rā.

"Aita a'u auro e te ario, o ta' u ra e vai nei o ta'u ia e horoa'tu na oe, a tia a haere i te io'a no Iesu i Nazareta ra ".

"A tia a haere e te mau Keretetano e, a haere i roto i te tahoēraa eiaha rā e haapaari ia tatou i roto i te faataaē raa ! "Te tahoēraa no te

mau Ekalesia o te tahoēraa ia no te mau taata. Teie te amuiraa o ta ta-tou e faatupu, te amuiraa no te taata tei reira te au taeaeraa : amuiraa no te parau mau, te parautia e te hau i roto i te tahoēraa, amuiraa no te feia aore e io'a haapa'oraa, no te feia rā tei titau e faatia i te hoē utuafare pāpa'i ore, tamaruhia i te here taeae no Iesu.

"Oia hoi to tatou hau, tei faariro i e piti ei hoē, e ua huri hoi i raro te patu faataa ē i ropu ra : te au o-re. (Ephriens 2/14)

E huri i raro te patu faataaē i ropu ra teie hoi te auraa, e vavahi i te mau mea'toa e tupu ai te au ore e te taaē raa i rotopu i tera faaroo e tera faaroo, oia lā, e faatupu faahou i te hoē Ekalesia api, te Ekalesia no te mau Ekalesia'toa i faaorehia ra, te Ekalesia no te mau taata'toa aita e porotetani, aita e Katolita, aita e Sanito, aita e Mahana hitu, aita e Ite no Iehova, ... aita e Keretetano e te vai aturā. Aore a te Keretetano e haapa'o raa, e taata rā oia no tona nunaa, e taata no te mau huru taata to'a e taata no to'na fenua, e taata no te mau fenua'toa, e taata no te mau reo ato'a. Ua parau Iesu aita i te mau mea'toa e tupu ai te amahamaha i rotopu i te taata nei, no reira e parau ato'a vau eita i te porotetani, eita i te Katolita, eita i te Ite no Iehova eita, eita i te mau haapa'o raa'toa, e parau rā vau E i te amuiraa e te tahoēraa no te mau taata e titau ra i te hoē oraraa oia haamauhia i ni'a i te ora api : Iesu, tei E i te hoēraa no Tana Ekalesia. E ere i te ohipa ohie, e aro rā.

E aro ia hoē fare haapiiraa bibilia amui i Polinesia nei.

E aro ia farerei te mau faaroo ato'a i te vahī hoē, ei nunaa hoē.

E aro ia ore te mau haapa'o raa'toa, ia hoē rā Ekalesia.

E aro ia tatou iho e i te tahi pae.

E aro ia ohipa amui te mau taata faaroo ato'a.

Oia hoi to tatou hau tei faariro i e piti ei hoē, e ua huri hoi i raro i te patu faataaē i ropu ra.

I reira ra, eita lā tatou e pure faahou i te Fatu ia Iesu e hoi mai no te mea teie oia i rotopu ia tatou, ia ore rā, e te Fatu Iesu, eiaha oe e hoi mai no te mea aita to oe e nohoraa i te fenua nei, faaea noa'tu i ni'a i te ra'i ! Tei here ra, e aro ia ; te huru ā no te aau mahorahora ; Iesu.

HIRO HENRI

